



Synfocity = 995

mail us at : mzsynfo@gmail.com; mizoramsynod@gmail.com - Phone - 2314648

July 24, 2025

☐ Lay Leaders' Training vawi 233-na

Synod Multipurpose Training Centre (SMTC) buatsaih Lay Leaders' Training vawi 233-na chu July 21, 2025 (Thawhṭanni) zan khan SMTC-ah hawnna inkhawm neih a ni.

Training hawnna inkhawm hi Rev. H. Lalmuanchhana, Director-in a kaihruai a, inlawmna leh report te ngaihthlak a nih hnuah Upa Vanlalsawma Siakeng, Synod Secretary-in training hawngin thuchah a sawi a, he hunah hian SMTC Hosteller leh Ni. Zomuansangi, Venghlui te an zai bawk.

Tun ṭum training-ah hian Presbytery 14 - Aizawl Hmar, Chhimphei, Champhai North, Lunglei East, Lunglei West, Aizawl Bethel, Tuichang, Tuichangral South, Chhimchhak, Aizawl Chhim, Sakawrhmutuai, Serlui, Aizawl West-II leh Tlawng aṭangin Kohhran Upa 46 an tel a ni.

Kohhran Upate tana Lay Leaders' Training hi kum 1996 aṭang khan neih ṭan a ni a, training-ah hian Kohhran Upate tan Kohhran enkawl dan leh inrelbawlana lam atana pawimawh chi hrang hrang bakah Kohhran thlarau lam nun enkawl dan te zir ṭhin a ni.

Training hi July 25, 2025 (Zirtawpni) zanah kharna hun hman a ni ang.

Synod Multipurpose Training Centre (SMTC) hi kum 1993 Synod-in din tura a rel angin January 12, 1996 khan din a ni a, a tira a hming chu Christian Multipurpose Training Centre tih niin kum 2001 Synod khan a hming hi Synod Multipurpose Training Centre tiin a thlak leh a ni. Synod Multipurpose Training Centre (SMTC) hnuaiah hian ṭhalaite'n mahni kuta eizawmna kawng an lo neih ve theihna tura training chi hrang hrang (Vocational Training) buatsaih ṭhin a ni bawk a, tunah hian trade chi hrang panga - Tailoring, Computer, Mobile repairing, Beauty Culture leh Electrical te kalpui mek a ni a, zir chhuak tawh mi 1885 awmin tunah hian zirlai 105 an awm mek a ni.

☐ Revival

Mizoram sorkar, tlawmngai pawl leh kan kohhran ṭangkawpin Hulhliap Short Stay Centre a buatsaih thawh hnihna chu July 21, 2025 (Thawhṭanni) aṭang khan ṭan a ni leh ta a. Hei hian August 9, 2025 thleng a awm dawn a ni.

Synod Revival Camping Centre, Neihbawia buatsaih Hulhliap Short Stay Centre thawh hnihnaah hian mi 536 an inziak lut a, camping centre-in a dawl zawh loh avangin pawn lamah riahna turte siam belh a, a chung zar ni mah se, July 21 (Thawhṭanni) zana ruah sur nasain a tichhiat avangin an buai hle. Mut bu leh thawmhnaw huh vek an tam avangin a ṭhen chu an haw leh hlawm a, July 22 (Thawhlejni) thlengin mi 410 vel an la awm a ni. Hulhliap Short Stay Centre hi nakkum March thla thleng buatsaih tura ruahman a ni.

☐ Social Front

♦ July 19, 2025 (Inrinni) khan Synod Rescue Home Management Committee, Champhaiah neih a ni a, committee zawhah hian Synod Rescue Home Director Quarters thar hawnna programme hman nghal a ni a, quarters thar hi Rev. Dr. K. Lallawmzuala, Executive Secretary-in Pathian hnenah hlanin a hawng a ni. Hemi hunah hian Rev. H.S. Remmawia, Director, Synod Rescue Home, Durtlang leh Pu Lalchhungliana, Social Front Coordinator te an tel bawk.

♦ July 27, 2025 (Pathianni) hian Sihphir Vengthar Bialah 'Tleirawl ten nun kawng dik an zawh theih nana Nu leh Pa te inzirtirna' Awareness Campaign nei turin campaigner-te, Rev. V.L. Krosschuanmawia, Rev. Dr. F.H. Liansangzuala leh Rev. H. Lalbiakhluna te an kal ang.

☐ KṬP

July 19, 2025 (Inrinni) khan Sumsuih Bial KṬP Leadership Training neihpuiin committee member-te, Tv. P.C Lalthanmawia leh Pu Lalduhawma Chhangte te an kal.

☐ Trust

July 21, 2025 (Thawhṭanni) khan Ruantlang Pastor Quarters, Khawzawl Venglai Pastor Quarters leh Khawzawl Dinthar Pastor Quarters te cheiṭhat ngai leh lungrem chim siam ṭhat dan tur en felin Pu Lalramenga Royte, J.E a kal.

❑ **Worship**

July 23-25, 2025 chhung hian Zai hruai training neihpuiin Samthang, Kawlkulh leh Kawlkulh North-ah te Pu Benjamin Sailo, Music Instructor leh Pu T. Laldintluanga, Trainer te an kal.

❑ **SL&PB**

July 26-27, 2025 chhung hian Lawngtlai Bialah Literature Seminar/Campaign nei turin Rev. PB Zosaphara, Editor leh Upa Lalthanliana, BEC te an kal ang.

❑ **MSSU**

July 26, 2025 (Inrinni) hian East Lungdar Venghlon Bialah Sunday School zirtirtu training neihpui turin trainer-te, Upa K. Zoremsanga leh Upa H. Lalremruata te an kal ang.

❑ **Service Board**

July 18, 2025 (Zirtawpni) khan Synod Service Board chuan Synod hnuai Department hrang hranga thawk tur (Contract) a la thar a, heng an hna te hi August 1, 2025 aţangin an thawk ang:

Mizoram Christian College:

Asst. Professor Johny Lalrammawia s/o C. Hmingthanga Lamchhip

SL&PB:

Asst. Editor K. Rosangliana s/o K. Lalţanpuia (L) Vairengte Zalen Veng

Synod Higher Secondary School:

Peon John Lalthankhuma s/o H. Lalnunzira Hlimen Dam Veng

❑ **Mizoram Christian College (MCC)**

♦ July 18, 2025 (Zirtawpni) khan MCC IQAC leh Environment Information Awareness, Capacity Building and Livelihood Programme (EIACP), Mizoram Pollution Control Board ţangkawp chuan MCC 3rd Semester zirlaite tan 'Environment Awareness and Sensitization Programme' an buatsaih a, Er. Benjamin Lalnunsanga Colney, Programme Officer, EIACP chu Resource Person a ni.

♦ July 18, 2025 (Zirtawpni) khan MCC NSS Unit bul tumin Co-Curricular Activities (CCA) hunah 5th Semester zirlai zawng zawngten 'Faina hnatlang' an nei a, Mission Venghlang khawlai bawlhhlawh an thian fai.

♦ July 18, 2025 (Zirtawpni) khan 1st Semester zirlaite tan 'Mentoring Programme' hun hman a ni. Mentoring Programme-ah hian zirtirtu tinin zirlai enkawl bik neiin - zirna, chhungkua leh sum lama an harsatna hrang hrangte sawipuiin a sut kian dan tur theihtawpin an ngaihtuah pui ţhin.

♦ July 19, 2025 (Inrinni) khan MCC NSS Unit chuan Main Campus, Tanhril-ah thingphun hnatlang an nei a, thing 20 chuang an phun.

♦ July 19, 2025 (Inrinni) khan Mizo Department chuan Off Campus class hun an hmang a, he hunah hian zirlaite chu kut hnathawh zirtirin ramah an chhuak a ni.

❑ **Synod Mission Board**

January - June, 2025 chhunga Mission Field hrang hranga belhtu thar neih dan hetiang hi a ni:

S.No	Field	Total	S.No	Field	Total
1.	Arunachal & Assam Mission (East)	35	11.	Karbi Anglong	95
2.	Arunachal & Assam Mission (North)	28	12.	Calcutta	441
3.	Arunachal & Assam Mission (West)	49			
4.	Assam	37	13.	Lucknow	7
5.	Barak Area	24	14.	Nepal	90
6.	Delhi	78	15.	Odisha	53
7.	Home Mission North	21	16.	Patna	129
8.	Home Mission South	32	17.	Siliguri	67
9.	Cachar Tlangram	28	18.	Tripura	693
10.	Jharkhand	210	19.	Masihi Sangati	1669
			20.	Cambodia	7
				Belh khawm	3806

☐ **Synod Relief Fund**

Tun hnaia harsatna hrang hrang tawkte hnenah Synod Relief Fund atangin hetiang hian chhawmdawlna pek a ni.

S.No	Khua/Veng	Pek chhan	Chhungkaw zat	Pek zat
1.	Chhiahtlang Venghlun	Damlo	2	₹ 20,000/-
2.	Sairang Dinthar	Damlo	1	₹ 10,000/-
3.	West Serzawl	Damlo	1	₹ 10,000/-
4.	Hmunpui	Damlo	1	₹ 10,000/-
5.	Khamrang	Khawsak harsa	1	₹ 10,000/-
Belh khawm				₹ 60,000/-

☐ **FM Zoawi - Aizawl & Lunglei : Hruaina Eng Radio Programme**

July 25, 2025 (Zirtawpni) @ 7:30 p.m. : FAKHLA HUANG

Solo : Ramdinpuii - Ka duh a che, Khawngaihna avanga chhandam, Nang chauh hi, **Thusawi :** Rev. F. Lalsangkunga - Tawngka chhuak, **Zaipawl :** Bungkawn Bial Zaipawl - Ka damlai ni te

☐ **Su Samachar Prasaran Programme :**

July 27, 2025 (Pathianni) 5:30 pm. :

Group/Choir/Solo : Eli Varte - Tune Mujhe, **Sermon :** Evan K. Vanlalhriata - Anand jivan ka adhikari, **Group/Choir/Solo :** Synod Mission Choir - Teri jay jay kar

☐ **Hruaina Eng TV Programme**

24.7.2025 (Ningani)	08:30 pm	: Thupui zir bing
25.7.2025 (Zirtawpni)	05:00 pm	: Kristian Naupang Pual
26.7.2025 (Inrinni)	05:30 pm	: Puitling Sunday School Zirlai
27.7.2025 (Pathianni)	07:00 am	: Sermon - Upa Vanlalchhunga
	08:00 am	: Weekly round up
28.7.2025 (Thawhtanni)	08:30 pm	: Hruaina Eng luang chhuak - Upa H. Zoliana
29.7.2025 (Thawhlelni)	06:00 pm	: Nilaini zan thupui
	08:30 pm	: Kohhran Chanchin - Sakawrtuichhun Kohhran

☐ **Moderator leh Executive Secretary-te Programme:**

Rev. R.C. Lalnghakliana : Moderator

July 24, 2025	Nursing College zir tur interview board
July 26-27, 2025	Phuaibuang Bial
July 29, 2025	Central KTP Committee
July 30, 2025	Central Kohhran Hmeichhe Committee
July 31, 2025	Ramthar BEC leh Hospital Programme
August 1-3, 2025	Harhna inkhawmpui

Rev. V.L. Luaia Hranleh : Senior Executive Secretary

July 22-24, 2025	PCI Working Committee, Shillong
July 27, 2025	Ramthar Tlangveng Kohhran (Zan)
July 28, 2025	Trust Sub Committee
July 29, 2025	Service Rules & RR Enthatu Committee
July 30, 2025	Income Tax Sub Committee
July 31, 2025	Hospital programme
August 1-3, 2025	Harhna Inkhawmpui

Rev. Dr. K. Lallawmzuala : Executive Secretary

July 24, 2025	Nursing College zir tur interview board
July 30, 2025	Central Kohhran Hmeichhe Committee
July 31, 2025	Hospital Programme
August 1, 2025	MSSU Consultation

Rev. Dr. Rosiamliana Tochwawng : Executive Secretary

July 21-28, 2025	Odisha & Calcutta Mission Field tlawh
------------------	---------------------------------------

RAWNGBAWL HNA RUAK DIL THEIH

A hnuai tarlan rawngbawl hna hrang hrangte hi Mizoram Presbyterian Kohhran hnuai a ruak a. Mizoram Presbyterian Kohhran mi, rawngbawl tura Pathian kohna hria, kum 18-35 inkar, ni 16.9.2025-a kum 18 tling tawh leh kum 35 la pumhlum lo, zuk leh hmuam leh ruih theih thila fihlim tan dil theih a ni. Dilna Form hi Synod Service Board Office, Aizawl leh Synod Office, Lunglei atangin lak theih a ni ang a, Synod Service Board Office, Aizawl-ah theh luh tur a ni. Dilna form man Rs. 20/- a ni a, dilna form-ah hriat tur pawimawh tarlan a ni.

I. Synod Higher Secondary School-a thawk tur

Hna hming : Physics Lecturer Post - 1 (Regular, one year probation)
 Thiamna : Master Degree at least 2nd Class with B.Ed or Equivalent from any recognised University
 Hlawh : Sorkar-a PG Lecturer hlawh

II Synod Hospital, Durtlanga thawk tur

Hna hming : Pharmacy Assistant (Contract), Post - 1
 Thiamna : HSLC of any recognised board
 Hlawh : Synod hnuai Pharmacy Assistant (Contract) hlawh

III. P.C. Girls' School-a thawk tur

Hna hming : Chowkidar (Contract), Post 1
 Thiamna : Class VIII certificate holder
 Hlawh : Synod hnuai Chowkidar (contract) hlawh

Dilna form hi ni 29. 7. 2025 (Thawhlehi) atangin lak theih a ni ang.

Dilna hi ni 28. 8. 2025 (Ningani) dar 3:30 p.m. thleng theh luh theih a ni ang.

Written test neih hun - 5.9.2025 (Zirtawpni) Dar 10:30 a.m.

Written Test neihna hmun - J.M. Lloyd Hall, Synod Office Top Floor

Interview hun - Ni 16.9.2025 (Thawhlehi) Dar 10:30 a.m.

Sd/-

Rev. V.L. Luaia Hranleh
 Secretary
 Synod Service Board

